

N. 37.

A. D. 1313

(23 febbraio Indiz; XI)

<i>Provenienza</i>	Cattedrale.
<i>Data di luogo</i>	Napoli.
<i>Rogatorio</i>	<i>Iohannes not. viterbiensis.</i>
<i>Descrizione</i>	Taglio quadrato m. 0,45. Ha diversi fori nelle piegature ed è tutta rigata.
<i>Scrittura</i>	Gotica elegante cancelleresca.
<i>Contenuto</i>	La Chiesa e Vescovado di Monteverde sono suffraganei dell'Arcivescovado di Consa. Per la morte di <i>Galvanus</i> Vescovo di Monteverde, sepolto in detta chiesa, il Capitolo di Monteverde si raduna e con voto unanime e secreto elegge a suo successore il <i>venerabilis dominus Iohannes Archipresbiter Sancti Iohannis de Incarco</i> . Di questa elezione l'Arcivescovo di Consa fr. <i>Consilium</i> avea dato incarico di ratificarla al Vicario fr. <i>Thomas</i> di Viterbo, il 24 novembre 1303.
<i>Bibliografia</i>	Inedita.

In nomine domini nostri Iesu Christi amen. Universis presentes licteras inspecturis, frater Cambius ordinis predicatorum Prior Sancte Marie de Minerva de Urbe, et Venerabilis patris domini fratris Nicolai dei gratia Episcopi Hostiensis et Velletrensis Vicarius, et Nicolaus Virticillus maioris ecclesie Neapolitane diaconus salutem in eo qui est omnium vera salus. Noverit vestra dilectio, nos pridem a Religioso et Venerabili viro fratre Thoma viterbiensi generali Vicario Reverendi in Christo patris domini fratris Consilii dei gratia Archiepiscopi Consani recepisse licteras continentie subsequentis frater Thomas Viterbiensis venerabilis patris domini fratris Consilii Consani Archiepiscopi Vicarius Generalis, Venerabilibus Viris fratri Cambio ordinis predicatorum priori Sacte Marie de Minerva de urbe, et venerabilis patris domini fratris Nicolai dei gratia Episcopi Hostiensis et Velletrensis Vicario, et domino Nicolao Virticillo maioris Ecclesie Neapolitane diacono in vero Salutari salutem. Noveritis nos dudum a dicto domino Archiepiscopo, recepisse licteras in hac forma. Frater Consilium dei gratia Consanus Archiepiscopus, discreto viro fratri Thome de Viterbio ordinis predicatorum, Salutem in domino sempiternam. De prudentia et sincere tue dilectionis affectu, et tuis meritis gratiosis firmam spem et fiduciam gerentes, ea que in provincia Consana et locis nobis commissis spectant per te in spiritualibus et temporalibus sollicite peragi et laudabiliter exequi, in Consana provincia et locis nobis commissis in spiritualibus et temporalibus te generalem nostrum Vicarium facimus constituimus et ordinamus. Concedentes et committentes tibi plenam et liberam potestatem, et auctoritatem, Ecclesias, prelatos, et Rectores ecclesiarum et locorum religiosorum clericos omnes et personas ecclesiasticas nostre iurisdictioni subiectas, visitandi, corrigendi, privandi, reformandi. subditorum excessus et delicta, puniendi penas penitentias et mulctas prout nobis licet de consuetudine vel de Iure iniungendi imponendi et exigendi, statuendi et ordinandi prelatura, personatus et beneficia cum cura vel sine cura ad nostram provisionem seu collactionem spectantia concedendi conferendi et providendi. Clericos ad ordines quoscumque, et quibuscumque presentandi. licteras dimissorias concedendi. et electos et presentatos examinandi confirmandi et presen-